

Laisiangthou Bulphuh

Toupa Phat un!
Toupa laumi tuh a hampaha hi, A thupiakte
nakpitak a kipahpihte.
Psalm 112:1

Thumna Makai

> September khasung a lam tuamtuam a vualzawlina
simseng louh mimal, innkuan leh saptuam te'n I tan te ziak
in Pathian kiang a kipahthu gen ni.

> Tu khasung a Amah min thupina dia sep leh bawl,
kizatna I neihte ziak in Amah (Pathian) kia in Thupina tang
hen la, sepkhelh/val omleh a ngaihdamna gen in thum ni.

> Tukha (September.) sung a programme tuam tuam I
neih te, Biakna hunsehte, cell prayer, BDF Khawmpi hoh te
damtak a hong tung leh report kipahhuaitak mai, meeting-
te', lohching tak a I neih theihman un Pathian kiang a
Thupina leh pahtawina ipia ahi. Hiaite I sepkhiak na ding in
lungsim,tha leh hun tampi lut hi. Hiai te tengteng Pathian
kiang a kipan ahi ichi a kipahthu I gengen ding.

> Rev. Paukhanmang Guite, Director (Mn) in October
14&15 in ei Tualsung Saptuam a Doctrine sinsak na leh
Nipi biakna hunte a thugenna hong nei ding, hiai hunte
damtak a izat theih chiat na ding in thumna in phawkni.

> Tuailai Day programme October 21& 22, 2017 salam
leh khalam a lohching tak a i zat theihna ding un thumna in
phawkni.

> BCD Inter. & Senior pawl in One day seminar aneih ding
uh leh Tuailaite' a ding Meaningful employment in private
sector workshop October 02, 2017 gahsuahtak a neih a
hih theihna ding in thumna in gen ni..

> Nipini nawn biakna hunseh kigelte, manphatak a zat
ahihtheihna ding in tanneite leh mipite - Toupa khut hat a
kilan in kikhop theih sawm chiat ni.

SAPTUAM BANK ACCOUNT DETAIL

"Evangelical Baptist Convention, Delhi"
A/c No. 11084241142

State Bank of India, New Delhi Main Branch,
Parliament Street, New Delhi - 110001,
IFS Code SBIN0000691

Email: finance@ebccdelhi.org leh
Mob. No. 9818687331 ah piakna details
theisak zel le kichian mahmah ding.

TUNI BIAKNA HUNZEK

09:30 AM : Counselling Hun

11:00 AM : Tuni - ZINGLAM BIAKNA KIKHOP

BIBLE SUNDAY

Biakna & Phatkhawmna : WT makaih in.
Thilpiak Latna : Upa Chinsum
Pem Laklutna :
Bible Society Nasepna : Incharge te makaih in
Thumsakna/Thugenna : Pastor
Biakna & Phatkhawmna : WT makaih in.

02: 00 PM SUNNUNG BIAKNA

BIBLE SUNDAY

Biakna leh Phatna : WT makaih in
Thilpiak Latna : Upa Thianzakhm
Bible Society Nasepna : In-charge te apan
Special No. :
Thugenna : Pastor
Hunkhakna & Vualzawlina : Upa Khamkhanpau

Nipini paita [17.09.2017] Biakna Thilpiak Lakkhawm

Sawm-a-khat - ₹80,908 /-; Nipi Thilpiak - ₹ 14,414 /-
Vehicle Ministry - ₹ 3,300 /-;

TUNI BCD DEVOTION (24.09.2017)

Pitu : Htp. Hauboi
LST Sim a Thumna : Joshua MUanlal, Inter
Phatkhawmna : Lapite makaih in
Kha nih hal a Bible Chang : Contest Department
zilte Enlou a genkhawmna :
Contest : Contest Dept.
Thilpiak Latna leh Hunkhakna : Htp. Jamchinlam

Pawl Kikhenna omding
I thumna un phawk ni.

Tannei a, lemtanlouhna ziak a programme zang theilou di I omleh
SP/Secy, BCD thuzak ni.

*Thugen & Lasakte tungtawn a
Toupa' vehna tangngei din kisa ni.*

EBCC AIZAWL SILVER JUBILEE ZATNA

Huchi in kumpipa David a lut a, Toupa ma ah a tu hi. "Toupa Pathian aw,

kua a hi aka hih a, ka innkuante bang a hia a hih uh, hiai tantan n'on pi? 2Sam 7:18

Pathian deihsakna, Dorcas Hall a heutute lemsakpihna leh TBSUC Delhi phasakna tawh; kum giat paisa (2009) a Toupa'n Saptuamte tungtawn a Pastor nasem dia hon koihna mun EBCC Aizawl a Pathian' misiangthoute tawh kimuhtuah or kimuhkik theihna ding hun hon bawlsak a hampaha kisa in Pathian leh a vanzat Dorcas Hall a heutute, Delhi leh Aizawl Saptuamte tung ah kiphathu ka gen masa hi.

September 13, 1992 in phamsa Rev. T. Jamkothang, Executive Secretary, ECC (tua EBC hita) in, Dinthar 1, Aizawl a Pu Rosiama inn leh a gam Rs. 3,40,000.00 kilei khia honna leh latna nei hi. Tua ni apan in Biakna kikhop kipan tou hi. Hiai ni leh kum apan simtouw a kum 25 chinna, Silver Jubilee lopna programme EBCC Aizawl in September 12 – 14, 2017 in zang hi. Hiai hun ah Aizawl Saptuam na kem kha Pastor 12 (tua semlel sim in) lak a a damlai mi 10te chialna bawl ua, Pastor 7 tel thei in 3 tel theilou hi.

Tel theite:

1) Pastor(Rtd) S. Thanglian, 2) Pastor(Rtd) PH. Rothuam, 3) Pastor(Rtd) V. Jelkhokai, 4) Rev. K. Kamchinkhup, 5) Rev. T. Thangzasiyam, 6) Pastor V. Goubiakmuan (Tulel a pastor) 7) Kei.

Tel theiloute:

1) Pastor Hs. Chinsuanthang, 2) Pastor T. Tunthianmang, 3) Pastor G. Sanglian

Phamta te

1) Rev. Liankhosiam 2) Rev. Khamzalian

ECC (tua EBCC hita) Aizawl kipat chil in, doudalna, gensiatna leh simmohna tampi lai ah michitak sa leh kha a hihna kitheichian member 40 khawng lel om hi. Toupa'n a Saptuamte taisanlou phetlou in, a khut hat a pii in tu'n hiai anuai a dinmun tan tunta hi.

1) Inn om zah: 162

2) Saptuam milip (Khualtam tel in): Mi 881 (Pasal 499; Numei 382)

3) Upa thaunilhna tang: 14 (Tu'n 11 dam in 3 dam nawnlou uh)

4) Biakinn hoihtak ground floor sim a floor 5 a sang neita. Floor 1, 2 & 4 Naupang Nipi Skul, Floor 3 Pastor Qtr., Floor 5 Biakinn. Floor 4 Conference/Meeting Hall ban ah Baptismal pool leng om.

"Phulun pawtna ding leikha in a kei vang" chihbang in Aizawl a Saptuam dinkhiakna san poimawh mahmah tulel a Local Chairman Upa L. Laizik in hon gen hiai ahi. Sialkal tangdung (Mimbung, Hiangmun, Teikhang, Kawlbem, Vaikhotlang leh Khokawn) a om l mi leh sa te Aizawl a siamsin leh sepna ziak a hong om Chiang un, a gam mite lak a maingal zoulou, Nipini a milak a kikhop ding lah nuamsalou, om awl maimai, laithai peuh kap, a khente bang zu leh sa peuh a kibual mai thei dinmun a omte muh Chiang poi kisa, ngaihtuahna paizom zel tungtawn a Toupa honpi na ahi chi'n lungsim khoihtak in gen hi.

Programme zang dia kuanna: September 12, 2017 zingkal dak 7:00am in inn apan innteknu'n thumna tawh hon kha khia in, Pa Lianchung' Cab tawh IGI Airport T3 ka manawh uhi. Pa Chung in bangmah la utlou in kampha tawh hon kha zomah a, kisanlah leh kiphathu in Toupa vualzawlina tamsem lungsim a ngetsak kawm in ka ki enliam uhi. Tung baih kahihman in bangkim kasai zoh in ka tawidam huihiau hi. Ka tuanna ding lenna Jet Airway te a ahi a, a chih bang geih uh 9:50am in ka leng khia uhi. Air India mah bang in nek leh dawn ding a thawn in hon pia ua, a nuam tuam mahmah hi. Guwahati 12:17pm in ka bawh ua, hiai mun ah Rev. V. Thangkhangan (Hunpi zang dia chial), Rev. K. Kamchinkhup, Rev. T. Thangzasiyam leh Pastor(Rtd) V. Jelkhokai te nupa ban ah meltheih khenkhat in hon behlap ua, a nuam in a lungmuan huai mahmah! Guwahati apan 01:10pm a kipan khia dam leh bittak in Lengpui Airport 01:57pm in ka bawh uhi. Local Pastor leh Chairman makaih in saptuam mi bangzah hiam in gari 4 tawh hon na dawn ua, amau tungtawn a Toupa piina tawh Aizawl Pastor Qtr 03:40pm veel in dam leh bittak in ka tung ua, Local Chairman in kiphathugenna thumna nei in ka tunna mun dia hon sehsak mun lam ah tuailai fel mahmah te'n hong kha uhi.

Programme zat dan tangpi: Silver Jubilee thupi: TUTAN TOUPA'N HON PI (2Sam.7:18). September 12, 2017 nitak 06:30pm Jubilee Inaugural Service kipan. BYF te'n hiai hun makaih in Pastor V. Goubiakmuan in programme honna nei hi. Vaidawn thupuak Upa L. Laizik in gen hi. Thumkhawmna hun ken kava makaih a, hiai hun in EBCC Delhi apan kiphathu thilpiak Rs. 5,000.00 piakhiakna ka nein gal hi. Rev. V. Thangkhangan in Souvenir honna & latna ban ah Keynote Address gen in

Pastor(Rtd) S. Thanglian in hunkhakna nei hi. Tuailaite'n biakna leh phatna nuamtak in hon makaih ua, special no. BCD, TMC leh BYF te apan kingai khia hi. September 13, 2017 zing 10:30am in Jubilee lopna programme kipan hi. Jubilee Plaque honna leh latna Rev. V. Thangkhangan nei. BYF apan Halleluia Chorus in zui. Jubilee dak khetna/tumna telkhiak mi 25 ten nei (Keile kava tel kha hi!). Upa K. Pausuanlal, Local Secretary apan Saptuam tanchin tomkim ngaihkhiakna kinei. Heutupa Rev. V. Thangkhangan in Jubilee message gen. ZBC Aizawl te'n chibaibukna leh thilpiak piakna nei. Makai masate pahtawina thilpiak ban ah thilpiak piakna Souvenir Editorial Board te'n sai (Souvenir copy I Saptuam leng hon pia uh). Hiai hun ah BCD apan choreography leh BYF apan lapawl kingai khia. Hunkhakna Pastor G. Thangrosiam in nei. Sunnung 02:00pm a Rev. K. Kamchinkhup makaih a NUNGZUIHNA tawh kisai kisinsakna hun nuamtak zang. Dak 3:30pm – 05:30pm sung a Jubilee lopna annkuang sawk khawmna kinei. Nitak 06:30pm a Biakna Kikhop kipan. Rev. T. Thangzasiyam makaih a mi 45 sunna hun urhsun tak a kizang. Rev. V. Thangkhangan in thugenna hun zang. BYF Secretary T/Upa G. Thangchuan in EBCC AIZAWL SAPTUAM TUTAN TOUPA HONPI DAN chih thupi zang a slide presentation pia. Dorcas leh BCD te pan special no. ngai khia. Pastor(Rtd) V. Jelkhokai in hunkhakna nei. September 14, 2017 zing leh sunnung hunte MNF te bandh ziak a programme kizang theilou. Nitak 06:30pm a hun nanungpen zang. Heutupa'n chihdan siamtak a ahun Pastorte hon neksik. Pastor(Rtd) S. Thanglian & Pastor (Rtd) V. Jelkhokai in hun zang masa, tuazoh ah kei leh Rev. T. Thangzasiyam in zang. BYF te'n lungsim khoih mahmah Aizawl Saptuam tawh kisai short play nei uh. BCD heutute leh BCD apan special no. kingai khia. Upa Lalzuilian, Local Vice Chairman in kiphathugenna nei in, Local Pastor in Jubilee Programme khakna nei. (Programme zatna videographer guai a coverage bawl ahi a, hong man Chiang in et theih ding hi. Toupa piina tawh programme kizang manpha mahmah a, et leh ngaih tham ching mahmah ding hi)

Programme zang zou a kikanwnna: September 15, 2017 zingkal in Heutupa Rev. V. Thangkhangan makaih in Tlangnuam, Aizawl a Saptuam in Biakinn mun ding HQ panpihna tawh Rs. 43,00,000.00 kilei khia etna leh tuamun a thumna hun zatna kava nei thei uhi. A kim leh kiang a teng innte va uidak a thumna vanei in, zing ann DWC, Mizoram Division Chairman Upa T. Daizalian in a tate innluahna ah hon neiphhi hi (Upa L. Laizik, Local Chairman leh Upa V. Hangkholun te'n leng ann hon nekiphi uhi). Amau inn apan tun na mun a van la in Pastor Qtr ah Local Chairman in thumna tawh hon kha khia hi. Gari thum a Local Chairman makaih a Airport tan hong kha in leh chibai kibuk in kong kikhen thei ham uhi. Lengpui Airport apan 02:35pm vel a hong kipan, Guwahati 03:19pm a tung. Heutute/lawmte'n hon kumsan uhi. Guwahati apan 04:04pm a kipan Delhi Airport 06:15 veel a boh in leh Police prepaid taxi a pai in 08:45 in dam leh bittak in Toupa'n inn hontun kik hi. Dam, bittak leh lohchingtak a programme kava zat theihna Saptuamte phalsakna leh thumna ziak ahi chih thei in kiphathu k'on gen ngal hi.

BSI & BIIS PHUNGVUH THEIHNA

Ei pau Bible neite i hihchiat i ki gingta. I Bible neihte BSI (Bible Society of India) leh BIIS (Bibles International India Society) te'n hon sutsak ban a, kiman chik a i leitheihna amau' ziak ahi chih i gennop masa ahi. Amau' nasep pipen tuh Laisiangthou lehkhiaak(translation), sut(print/produce) leh hawmzak(distribute) ahi. Laisiangthou neinailoute'n aneih theihna ding in pan naktak a la in- Hebrew leh Greek te pansan in pau(dialect) tampi in Laisiangthou translation bawlkhiak a hita. BIIS tuamna biik tuh Laisiangthou translation peuhmah, ahithe tan a, original pau mansaklough/kepbit ahi. I hamphatpih zahzah in phungvuhna lamah leng phattuumngaih suah lehng chi a ki chial nuam i hi uhi. Hiai, anuai ah, BSI leh BIIS phungvuhtu hihtheihna chituamtuam omte i taklang hi. "Keizaw" chi a paulam bawl thei i omlouhna dia i dinmun toh kituak a pan theihna'ng chi tuamtuam hong om peen hamphatna chikhat hinawnsawn lai ahi ichi hi.

"Misiyam thausak in a om ding, huan kuapeuh tui buak amah leng tui buah in a om ding hi." Paunakte 11:25

BSI PHUNGVUH THEIHNA TE:

Patron Membership, Rs. 10,000.

Life to Patron Membership, Rs. 5,000

Life Membership, Rs. 5,000

Junior Membership, Rs. 500

Bible Missionary, Rs. 1,000

Memorial Gift, Rs. 1,000

Anniversary Gift, Rs. 1,000

Annual Membership, Rs. 1,000

BIIS PHUNGVUH THEIHNA TE:

Patron Membership, Rs. 500.

Life Membership, Rs. 300

Prayer Partner, Rs. 100

"Kuapeuh khuttawi lian mitnei vualzawl in a om ding.." Paunakte 22:9a

Bangchih di?

Toupa' Kha in hon piidan/theihsakdan a Ginna Thuchiam slip a option kipia box na giit zoh chiang in slip bohtanna di mun a bontan in hon pekiik in.

Phungvuhna bangchi piak di?

Cash: Envelop a details (Min, Piaknopna peen, Piakna ziak, Amount, Mobile no.) gelh in sum saite khut a piak theih.

Cheque: Cheque a "Evangelical Baptist Convention, Delhi" gelh a sum saite khut a piak theih.

Online: "Evangelical Baptist Convention, Delhi" **A/c No. 11084241142** State Bank of India, New Delhi Main Branch, Parliament Street, New Delhi - 110001, IFS Code SBIN0000691 a piakna ziak specify a, piak theih.

Hiai atung a thute toh kisai theihbeh nop, kanchet nop neite leh pantheihna'ng kong kihongte a lunglutna neite'n hiai a nuai ate kimuhiph theih a, mobile leh Whats App tungtawn in leng thu kan theih hi:

Upa G. Damsawmthang, Mobile & Whats App: +91 7838598889.

T/Upa T.Thangson, Mobile & Whats App: +91 8802059223,

email: thangsont@yahoo.in



EBC AIZAWL BIAKINN LIMLAK

TUALSUNG BAPTIST CHILDREN DEPARTMENT

Maban ah BCD Programme bangzah hiam zat dia gelkholh oma, huaite lamzang leh lohchingtak a zat ahih nang in Thumna toh delhzui ni.

1. Ahong tung ding 2nd October in BCD Naupang(Inter leh Senior)te a dingin One Day Seminar kisai sawm hi.Hiai hun ah thupi ding: Gingtute leh Tulai Khawvel- Pastor Letlal leh Khristian Inkuan Tungding ding a Kisakkholhna- Pastor N Tuanglang hiding.

2. Cultural Day/Graduation Day: Thugen ding Htp Chinkhengoupau, Child Coordinator.

a) Tukum BCD Graduation Day ni nih zat kisawm a, huai di'n 25/11/2017(Kiginni) leh 26/11/2017(Nipini) chiamteh hita. Nimasa 25/11/2017 pen Cultural Day a zat hiding a, hiai hunah i-pu-i-pa-te'n Pathian thu i theihkhak dan, i tawndan leh vanzat te zang a kitaitehna tuamtuam kisai ding. Cultural Dress toh kisai a kitaitehna kisaiding chia nu-le-pa-te kianga ana ki genkhol pen a lemtangzaw etna in kisai lou thak ding.

b) 26/11/2017 ni Biakna kikhopna ah Graduation programme kizang ding hi.

3. BCD Outing November Kha sung a neih lamet ahi.

ONE DAY INTERMEDIATE & SENIOR PAWL SEMINAR

A mun : EBC Church Delhi, Dwarka Chapel

A ni : October 02, 2017 (Seppatni)

HUN MASA (1100 – 1315 hrs.)

Pitu : Htp. Thangkhanhau, Secretary, TBCD
 Hun honna : Pastor H. Biakson, Adviser TBCD
 Phatkhawmna : Jesu lou in, & Khawvel a ka len sung in.
 Mellahna leh Vaidawanna : Htp. Jamchinlam, Asst. Suptd. TBCD
 Sinsakna : Pastor Letlal

(Thupi – "Gingtute leh tulai khawvel")

Discussion : Dotnop neite apat a om bangbang
 Special item : Htp. H. Zabiak, Superintendent TBCD
 Hun khakna leh Ankuang latna : Pastor N Tuang Lang

- Lunch break -

HUN NIHNA (1400 – 1600 hrs.)

Pitu : Htn. Chingboi, Asst. Secretary, TBCD
 Patna thum na : Htn. Chingliankim, Treasurer, TBCD
 Phatkhawmna : Jesu a lawm hoih I neih dan & Nang toh ton a pai ka ut
 Sinsakna : Pastor N Tuang Lang

(Thupi- "Khristian Inkuan tungding diing a kisak khawlhna")

Discussion : Dotnop neite apat a om bangbang
 Sharing tom : Pastor H Biakson
 Insung maitam : Htn. Lydia
 Hun khakna : Sinsaktu

Note :

- 1) Seminar a lohchin theih nang in thum na in phawk zelzel ni.
- 2) Lapitu ding BCD heutute.

TUAILAI DAY 2017 PROGRAMME

Hong tung ding 21st – 22nd October, 2017 chiang in, Tuailai Day 2017 programme zatna om ding. Hiai hun ah thugenpi in Pastor James Chinjemvel pang ding hi. Thugenna hunpi thum vei om ding. Hiaite ban ah, item tuamtuam zang a Pathian pahtawina leh biakna hun, tuailaite'n Pathian thupina ding a thilpiak a tante uh pholhsuahna hun in kizang ding hi. Kisakkholhna, tuailai committee level, area fellowship level leh mimal chih a kisakkholhna nasatak in paitou lel hi. Day Programme manpha leh lohchingtak I zat theihna ding un, thumna ah saptuamten nasatak in phawk ni.

WORKSHOP ON MEANINGFUL EMPLOYMENT IN THE PRIVATE SECTOR



2ND OCT, 2017 (MON)
09:30AM - 02:00PM AT EBCC DELHI

RESOURCE PERSONS



GINLIANSANG TONSING
Career in the Private Sector : Finding Contentment in Your Job



KIMREMMAWI
Corporate Culture : Practical Tips on Career Development



THANGZASIEM PAITE
Maintaining Your Balance in the Private Sector Lifestyle

REGISTRATION BAWLTHEHNATE:

Htp. Goulian Guite +919953037222 & Htn. Sangpui +919911257933

Workshop September 02 a neih ding chih himahleh, private a semte khualna a October 02 (Gandhi Jayanti) ading a ki suan ahi. Registration ahileh free hi a, a tel peuhmah in lunch manoh ding a geel ahi. Hiai hun ah kisinsaknate ban ah, kikupkhawmna, hasotna leh thumsakna hun leng om ding hi. Kuapeuh kimansak in tel chiat ni maw.

Registration hiai anuai a heutute kiang ah na bawlpah in:

1. Htp. Goulian Guite +919953037222
2. Htn. Sangpui +919911257933

KISAKHOL IN, TEL INLA, HAMPHATPIH IN.

WELCOME ALL

Tuni EBCC Delhi a biakkhawmna hun hong uap Toupa misiangthoute I Toupa Jesu Khrist min in itna chibai buk in kon vaidawn uh.

Nou toh Pathian bekhawm-phatkhawm a om nuam kasa ua, lemtang omchia nong kikhop zel uh ka lamem uhi.

NIPINI NAWN BIAKNA HUNZEK

October 1, 2017

9:30 AM : Annngawl Thumna; Pitu: Upa B. Langkham

11:00 AM : ZINGLAM BIAKNA

Biakna & Phatkhawmna : Worship Team makaih in.
Thilpiak Latna : Upa T. Thianzakham
Thumsakna & Thugenna : Pastor
Biakna & Phatkhawmna : Worship Team makaih in.
Hunkhakna & Vualzawlina : Upa H. Kam Suanthang

02:00 PM : SUNNUNG BIAKNA

Biakna leh Phatna : Worship Team makaih in
Thilpiak Latna : Upa Thangkhosiam Tonsing
Special No. :
Thugenna & Thumsakna : Pastor
Hunkhakna/Vualzawlina : Upa G Damsomthang

TBCD UPDATES

Maban ah BCD Programme bangzah hiam zat dia gelkholh oma, huaite lamzang leh lohchingtak a zat ahih nang in Thumna toh delhzui ni.

1. Ahong tung ding 2nd October in BCD Naupang (Inter leh Senior)te a ding in One Day Seminar kisai sawm hi. Hiai hun ah thupi ding: Gingtute leh Tulai Khawvel- Pastor Letlal leh Khristian Inkuan Tungding ding a Kisakholhna- Pastor N Tuanglang hiding.

2. Cultural Day/Graduation Day: Thugen ding Htp Chinkhengoupau, Child Coordinator.

a) Tukum BCD Graduation Day ni nih zat kisawm a, huai di'n 25/11/2017 (Kiginni) leh 26/11/2017 (Nipini) chiamteh hita. Nimasa 25/11/2017 pen Cultural Day a zat hiding a, hiai hunah i-pu-i-pa-te'n Pathian thu i theikhak dan, i tawndan leh vanzat te zang a kitaitehna tuamtuam kisai ding. Cultural Dress toh kisai a kitaitehna kisaiding chia nu-le-pa-te kianga ana ki genkhol pen a lemtangzaw etna in kisai lou thak ding.

b) 26/11/2017 ni Biakna kikhopna ah Graduation programme kizang ding hi.

3. BCD Outing November Kha sung a neih lamet ahi.

HOLY COMMUNION SERVICE OMDING

A paisa Nipini (17th Sept) zinglam biakna kikhop a Dorcas Khawmpilian Report hun a akizat ziak in, Holy Communion Service omding a programme kigelsa pen kizanglou a, hong tung ding October 08, 2017 (Nipini nihna) in zinglam biakna ah Holy Communion Service neih hiding hi. Nltaklam kikhopna Holy Communion ahileh gelkholhsa bang in kizang thei hi.

JUNIOR PASTOR IN ZCF AH HUN ZANG DING

Tuni September 24 2017 (Nipini) dak 2:00pm in Zomi Christian Fellowship, Delhi (Free Church, Sansad Marg) in Youth Raising Day 2017 programme zang ding uh a, tua hun a thugenna nei ding a Pastor H Biakson chial a om bang in a innkuan un va uap sawm uhi. Saptuamte ading a vualzawlina ava hihtheihna ding un leh, amau leng a va hamphatpih theihna ding un, thumna ah saptuam mite'n na phawk ding in i kingen hi.

September 2017 USHER

11:00 AM Biakna :

MUNIRKA Prayer cell- 1

2:00 PM Biakna :

BYF Push Vihar Area